

اتحانی حقنك ملك و ثروت صاحبي اولسون اولسون يكرمی ياشنی بيترن هر عثمانلی به تشعيلي (حقوق مدنيه دن ساقط اولانلر مستثنی)، جمعيات سياسيه نك سربستی، تشكلك قانون اساسيده تصريحی، قانون اساسينك ۱۱۳ نجی ماده سنك صوك فتره مضره سنك طی و اخراجی و اوصاف مطوبه بی حائر هر عثمانلینك بالكر مملكتدن دكل فقط هر بدن كندی نی مبعوث انتخاب ایتدیره بیلمی ماده لریدر.

ابن الضیا

اجال خارجی

كوچك بر سیولجه نك وخیم، مهلك بر عملیه بی مستلزم بر یاره حالی آلمسی قیلندن اوله رق، بلغارستان قبوكتخداسی كشوفك ضیا فته چاغیرلما می، شرق تیمور یوللری مستخدمینك ترك اشغال ایتلری کیفیتلری ده شرقی روم ایلی ایله بلغارستان جهتنده کی خط قسمك بلغارستان امارتی طرفندن ضبطی کی بر غائله به میدان آچشدرد. لکن عجیبو ایکی حادثه ظهور ایتسه ایدی بلغارستان ایله اولان مناسباتمز حسن حاله قاله جق، بر محور اخلاص و محادنت اوزرنده جریان و دوران ایده جكمی ایدی؟ اشته اك زیاده تدقیق و تأمله محتاج اولان نقطه بوراسیدر. بو باده بر فکر و مطالعه بیان ایده بیلمك ایچون بلغارستانك فصل تشكك ایتدیكنی ده صكره شرقی روم ایلی بی نه صورته اله كچیردیكنی، روم ایلی ولایاتنده سنه لردنبرو نه کی تدویرات و اغوا آنده بولندیغنی، بلغارلرك افساداتی میدانده ایكن اوروپا طرفندن نه درجه لرده شمارتدقلرینی دوشونمك و صكره ده مشروطیت عثمانیه نك افق سیاست و موجودیتزده نه قدر شعله بار بر استقبال آچدیغنی تأمل ایتك كافیدر. بلغارستان عصیان سایه سنده طوغمش عصیان سایه سنده بیومش بر مملكتدر و بوماسبقلردن جرأت الدیغنی ایچون ینه عصیان سایه سنده توسع ایتك میالدر. اشته كشوف مسئله سنی بهانه ایدرك اعلان استقلاله، و ترك اشغال بهانه سیله خطی ضبطه قیام ایتمی ده بو اعتیادات سرکشانه سی جمله سنندرد.

خارجیه ناظرى طرفدن هیئت سفرايه ویریلان برضایقه دعوت ایدیه - بیلک ایچون کشفک هیچ بر ماهیتی اولمیدیغی کچن اجمالزده ایضاح ایتمش ایدک دولتک بو خصوصده عهد موجودیه تمامیه موافق و حقوق حکمرانیسیله متناسب بر خط حرکت تعقیب ایتدیکی درکار ایکن امارتک اظهار انفعال و انفعالنده تمرد ایتسی مسئلهک بالالتزام تولید ایددیکی فکرینی اویندردیغی کچی شرق تیمور یوللری مستخدمینک بلغارستان و شرقی روم ایلیده کی رفیقارینک تشویقاتیه ترک اشغال ایتمش اوللریده خیلی شبههینی دعوت ایده جک حلالردندر . خلاصه بلغارستان امارتی بو ایکی بهانه ایله خطی ضبطه واستقلالانی اعلانه قرار ویرمش کچی کورونیور .

بوضبط معامله سنده یاره فیرلدانی اولسی محسوس بولندیغی اجمال اخیر مزده یك مختصرجه سوبلمشیدم . صوفیه قومیسرلکندن ایدیلان تبلیغاته جواباً امارتک خطی شرکت مأموریه بعدالائلاف ایشلتمک باشلادیغی بیلدرمسی بو محسوسانی مؤید دکلیدر ؟ مادامک امارت خطی بر ائتلاف نتیجه سنده اشغال ایلمشدر . شرکت نیچون بوقدر تلاش کوستریور . تشبثلر یاپیور . سفارته مراجعت ایدیور ؟ صاقین بونلر هپ قورو کورلتی اولسون ؛ اوروپا مطبوعاتک بر قسمی بویه دیور حتی اوستریا و المانیا جنرال قونسولوسلرینک تشبثلریده ظاهری و برکریه مخصوص ایتمش . ! جراند اجنبیه صحیفه لرنده کوریلان « الک موافق صورت تسویه خطک اشترا سیدر . » کچی مطالعاتده یاره فیرلدانغک دورانه دلالت ایتکدهدر . هر حالده مسئله شمدی بوزمینده دوکلمشدر . اعلان استقلال تصویرینه کانجه بتون اوروپا مطبوعاتی ، حتی بعض ممالک خارجیه نظارتلری بیه بوبابده صرف فرضیانه بناء سرد مطالعات ایدیورلر . یالکر شوراسی محققدرکه اوستریا ایمپراطورینک پرنس فردیناند ایله زوجه سنی قبول ایتدیکی هنگامده پشته ده اجرا قلنسان مراسم احترامکارینک عادتاً بر حکمداره لایق درجه لرده اولسی هر طرفده قیل وقاله وهله انکلمتدهده اوستریانک بالقانلرده انتریفه چویردیکی یولنده تنقیدات شدیدیه باعث اولمشدر . بوتنقیدانده بولنان

عینی انکلیز غزته‌لری لوندرده‌کی بلغار مأموری « منیچ‌ویچ » ک بلغارستانک تصور استقلالندن باحث بیاناتی ده صوک درجه شدتله تقبیح ایدرک مأمور مومی‌الیهک پک قبا بر مناسب‌سزلکده بولندیغنی وانکلترونک دولت علیه حقتده الیوم فوق‌الحد محبت کوستردیکنی بیلدیکی حالده اوکی تفوهانه کیرشمسی دیپلوماسی آداب‌نک مبادیسه بیله غیر واقف اولمندن ایروکلدیکی درمیان ایتشلردر . انکلیز مطابوعاتک بوکی تشریاتی شو صورهده شبه‌سز پیش نظر تأمل و محاکمه‌یه انغه سزا حادئات مهمه‌دن ایسه‌ده بلغارستان امارتی اعلان استقلاله حقیقه قرار ویردیکی و بوقرارینک اجرا سنه زمین وزمانی مساعد کوردیکی تقدیرده یالاکر بر مملکت افکار عمومی‌سنک سوق مخالفتی ایله عزمنندن نکول اتمیه‌جکی بیدیدار و او یله برقرارک حین اخاذنده‌ک زیاده‌ن نتیجه اولیه ایله نتایج مؤخره‌نک اغراضه‌جفی آشکاردر . بونتیجه اولیه پرنس فردیناندک اوتهدنبرو مطمح نظری اولان تاج‌قرالی اولدینی میدانده‌در . لکن بلغارلر قرال تبعه‌سی اولمقدن بشقه نه قزانه‌جقلردر . بلغارستان امارت تابعه صفتیه طرف دولتدن بونجه فوائد تجاریه و اقتصادیه استحصال ایتشیدی . عثمانلیلری الک حساس بر زمانلرنده رنجیده ایدرلر سه آتیده بزدن نه بکلیه بیولورلر؟ اشته بلغارلر ک زیاده بورالری ، شرقی روم ایلی ایله اکسار خلق مشه‌لری‌نک صورت تسویه‌سی احتمالاتیه برلکده دوشونمیلدرلر !

• مبعوثلرک ملت طرفندن انتخابی صورتیه بر مجلس ملی تشکیله شاه ایرانک نهایت الامر رضاداده اولسی تخایف تاریخیه نه درجه اهمیتله قیدایلمکه شایسته بر حادثه ایسه بو حادثه‌نک تیسرینه سبب اولان تشبث جدیده اودرجه و بلکه ده‌ها بالاتر بر اهمیت سزادر . دوت بش آی اول ایران احرارینک سفارت سنیه‌یه التجا ایتلرینه سببیت ویرلدیکی ایچون سفیرنی عزال ایتش اولان حکومت عثمانیه شمدی تبعه‌نک حمایتی بهانه‌سیله احرار ایران لهنده مداخله ایتش اولدی . تبریز طوبه طوتیلورسه عساکر عثمانیه‌نک حدود ایرانیه‌نی کچه‌جکی بیلدردی . اشته هم احرارانه رهمده تبعه پرورانه بر حرکت ؛ حکومتی بو تشبث عالی همتانده‌دن طولانی تبریک ایله برابر ایرانیلری ده ایکنجی دفعه

احرازینه موفق اولدقلری حربیدن طولانی تبریک ایلرۇ . واقعا شاه ، تبریزی مبعوث اعزامی حقندن محروم ایدرك هیچ اولمازسه بو وجهله اولسون اخذتار ایتک استیورسده کوزک بری اغلازکن اوتہ کندن سرشک ، سرت دوکیله میه جکی ایچون بو استتاتکده قریباً رفعتہ موفقیت الوبره جکی مأمول قویدر .

••• فاس احوالده هنوز بر تبدل اولمدی . دولتر بیدربی فرانسه و اسپانیہ نوطه سنه جواب موافقت ویرمش ، و المانیانکده بعض قیود احترازیه درمیان ایتسنه احتمال ویریلکده ایکن پک استلافویانه بر جواب اعطا ایتسی بالخاصه موجب ممنونیت اولمشدر مع مافیہ قازابلانقهده کی المانیسا ویس قونسلورسنتک فرانسزلرجه عسکری فراریسی عدایدیلان بش کشی بی واپوره ایصال و ارکاب ایتمکه تثبت ایتدیکی هیکامده وقوعبولان عربده ممنونیت واقعه بی خیلی سکتیه اوغراتمش ، حتی آلمان و فرانسه فوندولری اوزرنده بیله سوء تأثیر حاصل ایتمشدر . بونکله برابر طرفینجه اظهارندن کیرو طورلمیان تمایلان استلافیورانه سایه سنده بو ایشکده حسن صورته تسویه ایدیلجکی مأمولدر .

••• روسیه خارجیه نظری موسیو ایزوولسکی آوستریا خارجیه نظری ایله اجرا ایلدیکی ملاقاتی اتفاق مثلت ارکاندن اولان ایتالیانک خارجیه نظری ایلهده کوریشهرک اکیال ایتدی . غزتهلر بو ملاقات نتیجه سنده هر ایکی ناظرک « هر خصوصده متفق الرأی اولدقلرینک نظامر ایتدیکنی » بر معتاد اعلان ایتدیلسده بو نتیجه آنحق مرور زمان ایله نمایان اوله جقدرد . هر حالده بو بیتمز توکنمز سلسله ملاقاتدن اکلاشیلورکه دولترک کافه سی مداوله افکار طریقيله تسویه امور ایدرك پیدای استلافه هر وقتدن زیاده منهنکدر . صلح و مسالمت عمومیه شو وجهله تهلکدن مصون کورینور فقط بعضیلریده بو یولده کی تأمیناتک تکررینی سوء تفسیره اوغراتیورلر . مسالمت بر قادینه بکزر نه قدر دیله دوشرسه او درجه لکهدار اولور دیورلر !

محمد صالح